

Ipar Irlandako bake negoziazioan aulkia izan lezake Sinn Feinek

Londresek eta Dublinek borroka armatuari uko egiteko borondatea eskatu dute


Ipar Irlandako historian lehenengo aldiz, Irlandako Errepublikako eta Erresuma Batuko Gobernuak Ipar Irlandan bakea lortzeko negoziaketa mahaian «aulkitxo» bat eskaini diote Sinn Feini, IRAren adar politikoari, baldin eta IRAk borroka armatuari uko egiteko borondatea erakusten badu.

LONDRES

Erresuma Batuko eta Irlandako lehen ministroek, John Majorrek eta Albert Reynoldsek, bakea lortzeko proposatu zuten ekimenaren sei puntuek Ipar Irlandako biolentziaren berehalako amaiera eskatzen dute. «Nahita ez dugu oso testu zehatza egin, baina IRAren biolentziaren amaierari erreferentzia argi bat egiten dio», azpimarratu zuen Downing Streeteko, britainiar Gobernuaren egoitzako bozeramaile bat.

Nahiz eta testuko hitzak oso zehatzak ez izan, herenegun Bruselan Major eta Reynoldsek izan zuten 45 minutuko bilera oso garrantzitsutzat jo zuten atzo Londresen. Biler hori bakerako itxaropen nagusia gisa ikusi dute Londresen, Ipar Irlandan azken aste honetan bizi izan duten biolentzia egoera gogorren ostean.

17 HILDAKO AZKEN ASTEAN Ipar Irlandan azken asteotan izan diren biolentzia ekintzek 17 hildako eragin dituzte. Biolentzia ekintza hauetan



Reynolds eta Major herenegun Bruselan egin zuten bileraren ostean bostekoa ematen.

ASSOCIATED PRESS

talde paramilitar katolikoek eta protestanteek hatu dute parte, eta 17 hildako horiek azken hamarkadako kopururik handiena suposatzen dute.

Herenegungo bilera horren ostean, datorren asteazkenean Irlandako Atzerri ministroa eta Ipar Irlandako britainiar ordezkaria bilduko dira Belfasten. Datorren hilaren 9an izango den EK-ko gailurraren aurretik Londres eta Dublinen arteko gailurra egiteak, Ipar Irlandako egoerari irtenbide bat bilatzeko dagoen interes politikoa adierazten du.

Sinn Feini bakea lortzeko

egindako eskaintzaz, Irlandarekin batera osatuko litzatekeen administrazio baten negoziazio posible batez eta Erresuma Batuk Ipar Irlandan jarraitzeko inolako interesik ez duela jakinaraziz bere borondate ona erakutsi du Majorrek.

Reynoldsek, aldiz, argi utzi du Ipar Irlandaren eskaerak negoziatzeko modukoak izan daitezkeela eta inguru horretako etorkizunari buruzko euren iritzia azaltzeko unionistek, Ipar Irlanda britainiar probintzia izaten jarraitzearen alde daudenean, duten eskubidea ezagutu dezakeela.

BESTE LEHERKETA BAT Bai Londres bai Dublin «Ipar Irlandako egoera aldatzeko» prest agertu dira, «baina sekula ez biolentziaz edota biolentzia mehatxuz».

Bitartean, auto batean jarritako bonba batek eztanda egin zuen Londresko Kensington auzoan herenegun gauean, britainiar hiriburuko Poliziak jakitera eman zuenez. Leherketak ez zuen ez hildako ez zauriturik eragin.

Leherketaren ostean Poliziak etxeak hutsuarazi zituen, eztanda egindako autotik gertu pakete susmagarri bat ikusi zuenean.

Errusiar parlamentuko erasoan uste baino askozaz pertsona gehiago hil zitezkeen

MOSKU

Joan zen urriaren 4ean tropa errusiarrek Moskuko Etxe Zuriaren—parlamentuko egoitza—aurka egindako asaltoan hil ziren pertsonen kopuruak 1.500 gainditu zituen, agintariak onartutakoa baino hamar bider gehiago, eta gorpuk sekretupean erre zituzten, atzo 'Nezavisimaia Gazeta' egunkariak azaldu zuenez. Egunkari independente honek, parlamentuko hilketaren lekuko izan ziren bi pertsonen testigantzak argitaratu zituen atzoko orrialdeetan. Hauetako baten arabera—identitatea ezkutupean gorde duten Barne Ministerio

soldadu bat—, 1.500 gorpuk inguru aurkitu zituzten Etxe Zuriaren barnean, emakume eta haurren gorpuk barne.

«Denak bertatik atera zituzten, parlamentu azpiko tuneletatik metroraino eta handik Moskuko kanpoaldera eramane zituzten bertan erretzeko» zioen militar horrek. Ofizial errusiar honen arabera, hildako kopuru handi hau, indar erasotzaileek erabilitako munizioek eragin zuten. Izan ere, «erasoan ez zituzten erabili beraiek onartutako munizioak, askoz indartsuagoak ziren beste batzuk baizik». «Leherkariak hain ziren indartsuak, biktimei buruak lehertzen zi-

tzaizkiela eta beren burmuinekin hormen kontra jotzen zutela».

Beste lekuko baten arabera, ehundaka biktimen ebakuazio lanak asaltoaren ostean ezarritako etxeratze deia aprobetxatuz egin ziren, «hartara, jende gutxi ikusi ahal izan zituen lan ezkutu hauek».

ERASORAKO «AITZAKIA» BILA

Oro har, erasoaren aurreko eguneko gertakariak, lekuko horren arabera, agintariak egin zen mitin komunista probokatu egin zutela pentsatzera bultzatzen lezake, «ondoren Parlamentuari gogor eraso egiteko aitzakia izan zezaten. Ulertezina dirudi,

bezperan agintariak nola utzi zioten parlamentuko altxamenduari aldeko jendeari arazorik gabe zirkulatzen kaleetatik».

Lekuko hauek adierazi zuten ez eta egunkari errusiarrek arrazoia izan zezaketela onartzen zenez, Parlamentuko defenditzaileen artean egin ziren ehundaka atxiloten artean ez zen 'Barkaxov' dibisioko bakar bat ere ageri, eta hori identifikatzeko errazak zirelarik, erabiltzen dituzten esbastika eta jantzi beltzei esker. «Presoek diotenez, 'Barkaxov' dibisioko gizonak Moskutik kanpoko estadio batera eramane zituzten eta bertan fusilatu egin zituzten».

LABURREAN

IPAR Koreak ezezkoa eman dio ikerketari

Bere egoitza nuklearrak ikertzeko NBEk egindako eskaerari ezezkoa eman dio berriro Ipar Koreako Gobernuak, herenegun Washingtonen jakitera eman zenez. Energia Atomikoaren Nazioarteko Agentziak ezezko honen berri bihar emango dio NBEri. Ipar Korea bonba atomikoaren eraketan oso aurreratua dagoen susmoa dute EEBBeko agintariak.

ANGOLA: 2.000 hildako su-etenean

Angolaren Independentzia Osorako Batasun Nazionalak (UNITA), iragan irailaren 20an su-etena iragarri zuenetik, 2.000 lagun hil eta beste 3.000 baino gehiago zauritu dira 360 ekintza militarretan. Bitartean, Butros Gali NBEko idazkari nagusiak, errebeldeen aurkako neurri berrien aplikazioa hilabete atzeratzea proposatu zuen.

PERU: Konstituzioari buruzko erreferenduma

Gaur Perun egingo den erreferenduma urte t'erdia iraun duen garai ez konstituzionalari amaiera emango dio, eta konstituzionalitatearako itzulera ekarriko du. Kongresuak onarturiko Konstituzio berriaren alde edota aurka bozkatuko dute gaur peruarrek. Konstituzioaren onarpenarekin demokraziarako itzulera bermatu nahi da, Fujimori iaz harturiko konpromezuari erantzunez.

EEBBek Kubarekiko jarrera politikoa alda dezakete

Carlos Amat Kubako Justizia ministroaren arabera, EEBBek Kubarekiko «jarrera berria» dute, eta jarrera berri honek Kubarekiko duen politikan aldaketa bat ekar lezake. «Jarrera lasaia bat nabaritu dugu Clintonen administrazioan, eta honek EEBB bere jarrera aztertzen hasi direla erakusten du».